

明記曰白土埭逢三異比丘其一也有狂道士借海鹽令所畜小兒登小山山有屋數椽道人三四輩相勞苦其言小兒一不能解但得食一既如飴又有問道士曰請者何時竟答曰在徐州江北廣陵白土埭計其謫行當竟矣仍作書授小兒曰為達之繫小兒衣帶上今還海鹽令喜問曰衣中何有曰書疏耳又呼問小兒至何處小兒曰為前道士捉杖飄然去但聞足下波浪聲至一山中山中人寄書與白土埭上即引衣帶示令一不能脫小兒歸詣史宗宗驚曰汝乃蓬萊山中來耶

三洞羣仙錄卷之六

三洞羣仙錄卷之七

正一道士陳葆光撰集 延七

保言冥吏曼卿鬼仙

北夢瑣言道士秦保言勤於焚修嘗白南嶽真君云上真何以須紙錢為有所未諭

既而夜夢真君曰紙錢即冥吏所藉我又何須由是獄中益信之

樵遣西蜀崔存訪道尋直於玉屋西峯見

石延年曼卿蘇欽子美二人對坐隔一

小溪存再拜曰存脫囊利祿以求大道固

有日矣今幸遇二仙於此溪水視之淺而

測之深不得立侍左右何也又問學士已

作鬼仙乎蘇曰妄也純陽即仙純陰即鬼

既為仙又為鬼乎二仙乃命青童取牋管

作詩以授存存得詩俄見一羣鳥嶠一書

置二仙前蘇曰瀛洲君君吾二人乃飛踰

山頂而去

章令飛翠小直擢遷

列仙傳主柱于不知何許人一日上宕山云此山有丹砂可得數百斤邑令章公聞

之即時封山而丹砂自流出知火主柱于取丹砂與邑令餌之章既餌砂不五年身輕能飛舉遂與柱于俱飛去

廣記章小真母許氏守孀事舅姑以孝聞惟有此女十二歲聰慧無病而卒未殮復

活云初聞君章小真昇天見天上人皆衣錦綉引小真見韓司命君曰汝九世祖有

功於國近擢為地下主者今遷地仙之品

汝母有孝道已遷仙階而汝三世已生天

小真自後奉道至長慶年上昇

郭親負擔黃齋稅船

真誥郭親少孤依栖無所隨鄭先生負擔經七年勤謹無懈怠先生憫其勞苦遂授以導引法壽至三百歲復遇赤松子授道法今在大有洞中為真人

廣記黃齋者蜀之偏將也常好道行陰功有歲年矣於朝天嶺遇一老人顏色嬰孺

肌膚如玉與之語曰子既好道五年之後

當有大厄吾必相救勉思陰德無退前志

其後牽下峽舟船覆溺至灘上如有相拯

得及於岸視之乃所遇老人也尋失所在
長房縮地女媧補天

丹臺新錄後漢費長房既遇仙翁欲求道
而顧家人為憂翁乃斷一青竹與長房身
齊使掛之舍後家人見即其形也以為繼

死矣遂葬之長房隨入深山羣虎中留使
獨處長房不恐又卧於空室以朽索引萬
斤石於心上眾蛇來齧索斷長房亦不移
翁曰子可教也復使食糞糞中有蟲甚長
長房意惡之翁曰子幾得道恨此不成長

房辭歸長房能縮地脉數千里奄在目前
放之還舒也

淮南子女媧氏鍊五色石以補蒼天斷龍
足以立四極救黑龍以濟冀州積虛灰以
止淫水蒼天補四極正淫水涸冀州平後

蟲死顯民生

藍方温厚初成慈憫

青瑣藍方字元道亳州父老言自兒童時
見先生狀貌迄今如一温厚接物小大皆
得其歡心仁宗朝嘗見館於芳林園先生

告去乃賜號曰南嶽養素先生時學士賈

公昌朝贈公詩云聖澤濃沾隱逸身道裝

宜用葛為巾祝融峯下醉明月湖水源頭

釣紫鱗曾見海桃三結子不知卯豆幾回

春他年我若功成去願作靈橋跪履人先

生和曰近告明君乞得身不妨林下戴紗

巾滿斟野酒浮瓊蟻旋釣溪魚贈錦鱗元

府烏雞飛後夜洞中龍子養長春君今儻

若為同志續有壺天兩箇人一日先生沐

浴乃奄然而逝至今往來湖湘間人或見

之

廣記茅濠字初成即東鄉君之高祖也君

性慈憫好行陰德周襄入華山師鬼谷先

生得其道乘龍上昇故童謠歌曰神仙學

者茅初成乘龍上天入太清蓋謂此也

馬明富盛同休貧窘

真語馬明富字欽事經實有過君父恒使

有心奴子二人一名白首一名平頭常侍

直香火酒掃拂拭每有神光靈氣見於室

宇明妻頗能通見云數有青衣玉女空中

去來狀如飛鳥馬家遂致富盛資產巨萬

年老命終明子洪洪弟真罕子智等猶共

遵向末年事師乃弛履之耳

酉陽雜俎秀才權同休元和間落第教遊

蘇湖間遇疾貧窘有走使者本村野人雇

已一年矣秀才謂曰子貧迫若此無以寸

進因持垢衣授之可以辦少酒肉子將會

村老丐少道路資也雇者微笑曰此固不

足辦其當營之乃斫一枯桑枝成數段扎

聚於盤上喫之悉成牛肉復吸數瓶水傾

之乃旨酒也村老皆醉飽獲束縑錘物雇

者乃辭去

薛昌寔卧中屠瓶隱

仙傳拾遺薛昌幽人好道訪奇天寶七

年於洞天觀樓止累月忽有山翁攜太章

陸一根形如巨龜文甲頭足一一周備與

觀中道士曰此藥可切細令乾用米以麴

蘖醞酒熟半年外飲者登仙道士如其言

醞造一日道士皆赴齋醮唯昌不出越三

日道士歸見昌卧甕側耳鼻血流數日乃

魁身輕目明勢欲飛舉雖山川巖壁不能
隔礙後入大面山不知所之

樹萱記申屠有涯放曠林泉常攜一瓶一
日躍身入瓶中時號為瓶隱

元泰龍軒公度鳳朝

丹臺新錄姚坦字元泰平陽人雅操選標
深根內植乃託影神解遠期真隱遂遁幽
巖日誦五千文遇許真人授以元白回黃
之道行之雨不沾衣泥不汚履自有神光
如電簡王時駕龍軒以昇天

又尹軌真人字公度太原人也絕粒行氣
專修上道能變化無常或為道士或為儒
生或為童孺或為長老或與羣真眾仙驂
龍刺鳳策空駕虛雲馳電邁出入無分
形散影處處遊集云吾今已年一千三百
歲所歷甚多非爾曹短札所能記錄一日
忽竦身入雲騰空冉冉而去但聞笙簫之
聲唯餘器服細素存焉
始皇起臺黃帝置觀

拾遺記始皇起雲明臺窮四方之珍木搜

天下之工巧南得煙丘碧木鄴水燃沙貴
都朱泥雲罔素竹東得葱鬱錦柏煙燧龍
松寒河星拓岷雲之梓西得漏海浮金狼
淵羽墜滌嶂霞桑沈塘負壽共得冥草乾
漆陰阪文梓寒流黑鬼閩海香瓊珍異是

集工人騰虛浴木揮斤斧於空中子時起
工午時已畢秦人謂之子午臺

黃帝內傳王母飲帝以碧霞之漿赤精之
果因授帝白玉像五軀曰此則元始天尊
之真容也又授帝二儀本形圖還丹十九

首帝乃作禮置於高觀之上親自供養后
妃臣妾莫得觀之其觀上常有異色雲氣
奇香聞數百步時人謂之道觀道觀之號
自此始也

黃安舌耕和璞心筭

列仙傳云黃安自云早根不獲處人間遂
執鞭誦書劃地計之一夕地成裂時人謂
黃安舌耕年八十色如童子

仙傳拾遺邪和璞隱居瀛海間得神仙之
道使人以心注念於物布筭而知之無不

中者居高顯問者書三篇曰穎陽書有筭
心旋空之訣

廣成窈冥虛教汗漫

神仙傳廣成子者古之仙人也居崆峒之
山石室之中黃帝膝行而前再拜請問治

身之道廣成曰至道之精窈窈冥冥至
道之極昏昏默默無視無聽抱神以靜形
將自正必靜必清無勞爾形無搖爾精乃
可長生

又盧敖見一士深目而結喉鳶有而脩頸

豐上而殺下搖龜殼而食蛤蟹謂敖曰吾
與汗漫期於九垓之外不可久留而去

齊女玉鈞傳生木鑽

女仙傳鈞翼夫人齊女也姓趙好清靜病
卧六年右手拳飲食少漢武帝時望氣者

云東北有貴人氣推而得之召到姿色甚
偉帝發其手即展而得玉鈞幸之生昭帝
武帝尋宮之寶尸不冷而香昭帝即位更

葬之棺空但有絲履故名其宮曰鈞翼
真語昔有傳先生者少好道入魚山石室

11022.1.A 12-6

中積七年而太極真人接之與一木鑽今鑽一石盤厚五尺許告之曰穿此石透當得道其人心專晝夜鑽之積四十七年不替鑽盡石穿遂得神丹今為西嶽真人淮陽一老開皇九仙

本傳前漢應曜隱於淮陽山中與四皓俱召曜獨不至時人詩曰南山四皓不如淮陽一老後漢應邵八代祖也

仙傳拾遺開皇九仙者孔丘明楊元忠張法樞吳天印陳志空駱法通鄒武君謝幽巖周仙用鄧希元當漢楚交兵之際無栖苾之所各有修道之志避世入山契為兄弟同遊五嶽後居洪州西山皆得仙矣至隋開皇中鸞鶴儀衛會於玉笥山中九仙臺上徘徊終日一時昇天

喜稱文始周旋編

丹臺新錄尹喜初為函谷關令見一老人乘青牛薄傘車來喜頭首而前曰聖欲何之曰吾在關東田在關西時來採薪吾無道德夢子問訊老人再三辭喜不得乃曰

子既知吾吾亦知子有信道之心遂授以道德喜道成德備號文始先生補無上其人

真誥莊周師長桑公子授以微言謂之莊子也隱於抱犢山修煉著書服北育火丹

白日昇天上補太極閣編郎

軒集採葉馬湘摸錢

高道傳羅浮先生軒轅集居羅浮山人傳數百歲顏色不老髮長至地坐暗室則目光長數丈採藥巖谷長有毒龍猛獸衛護赴民家請齋者百餘處無不分身宣宗召入禁中問長生可致乎集曰絕聲色薄滋味哀樂一致德施無偏自然與天地合德日月齊明雖堯舜禹湯自可致況長生乎先生能以桐竹葉採成錢

神仙傳馬湘字自然有道術嘗於江南刺史馬植座上以酒盃盛土種瓜須臾引蔓花實食之甚美又能徧身摸青錢投井中呼之即出

靈輿福地山園洞天

高道傳王靈輿者九江道士居五老峯夜有神人告曰得道者各有其地如植五穀於沙石之間則不能成既有飛仙之骨當得福地靈墟可以變化非其地則魔壞其功無由冀矣師曰可柘者何地曰朱陵之上峯紫蓋之鄰岫乃洞天福地也可以冲天師從之遂遷居衡山一紀功成天監中

白日昇真誥山園子者周家王時大夫亦仙人也授張激子服九雲水法而激子修此道上

補九宮丞今山園子亦在洞天中與激子對局

達靈復髮張果擊齒

超化寺壁誌唐黃門內侍謁者件達靈題云予自知命之年從鸞輿西幸當天寶丁亥十二月得青城丈人授真元丹設而意未晚屬駐蹕行在堂命頗煩及肅宗至德丁酉歲命種於嵩丘復遇丈人始全法神水黃芽之道洎畢請告回觀宸殿乞骸歸田會南曹郎張公去非左史程公太虛

皆以其故廬共製神室皇天春祐丹鼎融
光服餌浹辰肌容發爽凌虛不懾意愈通
神自餌靈丹起至德丁酉迄今上乾符甲
午塵春秋一百一十有八載更十二朝遂
得還童復髮矣

明皇雜錄張果者明皇召見一日嘗賜董
斟飲之果遂舉三危醺然有醉色顧謂左
右曰此酒非佳味也即偃而卧食頃方寤
忽覽鏡視其齒皆班然黑遽取鏡如意
擊其齒盡墮以藥傳齒又寢久之再引鑑

視其齒已生堅然光瑩愈於前也

雞師救病驚靈導水

戎幕閑談唐蜀川費雞師者目赤無黑善
知將來事能與人禳救其術或疾病來告
者雞師即抱一雞而往設祭於庭又取一

石如雞卵大令病人握之乃置步作氣噓
叱雞旋轉而死石亦四破則病者瘥矣因
號雞師云

仙傳拾遺驚靈楚人也死棄其尸於江中
泝流而上至汶山下履然而起隱於蜀山

中以變化驅役鬼神之術聞於世時峽中
山摧堰江不流杜宇苦之聞驚靈者術使
汝金堂山瞿塘峽導水東注復舊所人得
陸處宇遜位數百年遊天柱山遇天真集
焉遂昇天而去

葛由刻木張辭剪紙

列仙傳葛由蜀人周成王時常刻木為羊
賣一日騎羊入蜀王侯貴人迎之至綏山
隨之者皆得一桃不還里人諺曰得綏山
一桃雖不仙亦足豪

廣記張辭有才學養氣絕食嗜酒耽棊嘗

吟云爭奈金烏何頭上飛不住紅鑪護燒
藥玉顏安可駐今年花發枝明年花滿樹
不如且飲酒朝暮復朝暮時或以紙剪蝴
蝶數千枚以氣吹之成列而飛拍手即下

或一日剪一鶴以水噀之俄而飛翥辭曰
爾先去我後來

馬儉制邪劉根召鬼

丹臺新錄馬儉通詩禮年十七遇人得道
甲鳥角鳥情縉候之設善攝召萬靈制邪

伏魔一旦感天神降與語曰法師宿有功
德必得度世何須召役鬼神可祕其術絕
其往來怡神抱一真仙自降儉從之白日
上昇

神仙傳劉根能治病驅役穎川太守杜新

聞之以為妖妄因呼根至郡謂根曰君有
何能而常惑眾根曰某能令人見鬼新曰
今即試看若無鬼汝當見誅根曰鬼甚易
見可借府君前筆現新從之根書符作長
嘯聲須臾廳南壁忽開數尺見有四五

人赤衣操刀劍從壞壁中入至墀下面縛

府君父母而來泣曰汝何為犯神仙尊官
使我被縛因辱如此府君叩頭求乞赦赦
根戒教達之遂免後一月府君與夫人郭
氏皆卒

陳長架屋嚴耆挽舟

抱朴子陳長居寺莫山已六百餘年山中
人為之架屋每四時祭祀之陳不飲不食
顏如五六十人寺莫山方千里上有千餘
家風俗與吳同

又嚴者會稽人食貧賤戾忽於塗中遇異人授以素書一卷青曰我不識字神人曰不須讀但置於靜處可也青自後神通潛有人為挽舟而入只見炭船自行後為人治病即以所授之書到家其人自愈入小

霍山得仙

希夷堯舜洪崖巢由

神仙傳陳搏字圖南號希夷先生時遇金甲神人指隱華山太宗皇帝召見問曰朕欲以堯舜之道治天下可乎對曰臣聞堯舜上階三尺茹茨不剪陛下若能如此正所謂今之堯舜也

高道傳道士張氲號洪崖子隱豫章山開元中明皇召問朕何如堯舜先生何如許由對曰陛下道高堯舜臣德謝許由昔堯召由而由不至今陛下召臣而臣來上嘉之拜先生太常卿累遷至司徒皆不受乃曰陛下何惜一山一水令臣追迹巢由上許之居於西山巨崖乃先生舊隱之處也豫章記云隋開皇改為洪州以先生所居

山名而名之

程戒二虎陶畫兩牛

高道傳程太虛果州西充人幼好道年十五登所居之東山飄然有凌虛意尋有五色雲霞擁其身及長絕粒坐忘常有二虎隨侍出入師因名之曰善言善行乃撫其背而授以三歸之戒二虎跪伏以聽自後呼名則至

隱居傳陶隱居先生居積金峯修真誥梁武帝屢詔不起先生即畫兩牛以進一牛散放水草中一牛著金勒有人執之帝曰先生意效曳尾龜也不可致之

許尋偃月杜拜庭秋

列仙傳許碣遍遊名山所至處題字云尋偃月子到此忽作一詩云閨苑花前是醉鄉誤翻王母九霞觴羣仙拍手嫌輕薄謫向人間作酒狂於酒樓乘雲而去高道傳杜光庭字賓聖號廣成先生唐末有狂道士晦名謁先生求寓泊之所先生雖諾之未嘗與之相見道士日貨藥於市

得錢即沽酒飲之唯唱感庭秋時人呼為感庭秋凡半年人亦不知其異一夕大醉

唱聲愈高有鏡之者見燈燭綵綉蓮具器皿羅列甚盛青童侍立斟酒而唱鏡者具以白先生先生乃款其戶曰光庭量識膚淺不意上仙降鑒深為罪戾願前匍一拜光靈以消塵障道士曰何辱勤拳之若是當出奉見道士即時收筵具及童子置於冠中啓戶空室耳

方朔窺窻張平鑿井

漢武帝故事七月七日上御承華殿有二青鳥來集殿前上問東方朔朔曰西王母欲來有頃母至時南窻下有窻看帝驚問何人母曰是汝侍郎東方朔性滑稽我鄰家小兒也

廣記唐刺史張士平中年夫婦俱雙瞽遂杜門齋謝以祈保佑愈久愈動元和間忽遇一書生曰此疾不假藥餌但於福地鑿井得水洗之可也君從之開井取水洗眼即時明淨夫婦作禮厚謝書生不受曰吾

乃太白星官也以子抱疾不忘於道精勤無怠上帝遣我授汝道術以替修奉之勤金帛之遺非吾所好

白至仙居李踐真境

廣記白幽求貞元中下第入海風飄雨馳

維舟山下夜聞風擊木葉相摩如人誦詩之聲云玉幢亘碧虛此乃仙人居之句俄而見千餘人騎龍控鶴乘龜履魚而至以手拍水如在月中行有呼水府使者白幽求而授以水府之牒幽求隨行忽至一島

上望見人煙遂歸家無有存者云已數代矣

仙傳拾遺李琳燕人也寶曆中與友人遊五臺山偶墮於風穴中見一人形如獅子引入洞中即以水令琳飲之且曰汝雖凡

流得入吾洞府踐吾真境亦有道分矣汝有希生之心今暫歸他日可復來飲此神漿亦可延年益壽矣

昭王懷珠玄帝埋鼎

仙傳拾遺昔黃帝時務成子遊寒山之嶺

見黑蚌在高崖之上故知黑蚌能飛矣至

燕昭王時其國獻於昭王昭王取珪璋之

水洗其沙泥乃嘆曰自有日月以來見黑

蚌生珠已八九十過此蚌千歲一珠也王

暑月常懷此珠體自輕涼號銷暑招涼珠

真誥大茅山有玄帝時銅鼎鼎可容四五

斛在山獨高處八土八尺許上有盤石掩

鼎上玄帝時命東海神使埋藏於此

武丁被召少君言請

仙傳拾遺成武丁桂陽人也年十三為縣

宰遣送物上州州牧周忻異之留為文學

主簿因被使自京還過長沙郡投郵舍不

及遂宿野木下忽聞人有語云向長沙市

藥平旦見二鶴君異之遂往市門伺候果

見二老人君從之數里老人問子隨我何

求耶曰聞君有濟生之術因來侍從耳老

人顧笑於袖中出玉函看素書果有武丁

姓名各出藥一粒與之因而得道一日謂

弟曰七月七日牽牛詣織女吾被召還宮

不得久留言訖而卒後葬太守使人發棺

不復見尸但有青竹杖并馬而已

神仙傳李少君嘗合丹丹未成謂武帝曰

陛下不能絕奢侈遠聲色殺伐不止喜怒

不除萬里有不歸之鬼市朝有流血之鬼

神丹大道未可得成也少君忽稱病是夕

帝夢與少君俱上嵩山半道有使者乘龍

持節從雲中言太一請少君帝覺謂近

臣曰少君將舍我去明日少君疾因帝自

往視則已化矣帝曰故化去耳歛而失之

三洞羣仙錄卷之七